

出日色熾炎如迦摩那火左手執弓無憂樹
枝右手執箭金剛杵身有無畏大力如劫火
相敬愛一切衆生安彼北方次下明起壇之
法

佛說大摩里支菩薩經卷第二

畫四

十三

佛說大摩里支菩薩經卷第三

宋西天三藏朝散大夫試鴻臚少卿明教大師天息災奉詔譯

復次起壇持誦之時先須獻齋食供養聖衆
即求信重佛法能持齋戒畫像之人於寂靜
之處用妙好綃帛等畫摩里支菩薩供養其

比丘及比丘尼童女等即詣河邊海岸山林
或屍多林或尼俱陀樹下或園林或寺舍堂
殿之內或舍利塔前如此之處即作曼拏羅
安前菩薩幪像獻五種供養誦前最上心等
真言一洛又至第三日能滅一切罪至第四
日夢見過海及上高山或見童女時作法者
自然了知衆罪皆滅至第五日燈燄增長光
明及聞妙香至第六日得見佛及菩薩至第
七日決定得見摩里支菩薩持誦者發菩提
心必得不退若見不祥之事或蛇虺獼猴野

猶驢馬象牛互相鬪競及侵害人但誦心真
言二洛叉即見菩薩本身增益吉祥所求成
就復有真言曰

唵引摩引里支引娑嚩訶賀

此真言誦八百徧得大聰敏日誦千徧得長
壽無病增長大力衆人敬愛誦阿喻多數得
成就法誦一俱胝設先造五逆罪亦得消滅
若欲成就隱身點眼藥華徧聖劍含丸藥得
神通得大人敬愛降伏冤家破壞冤家降伏
兵衆降伏夜叉女破壞孽吉你鬼制彼藥毒

除隔四日瘡病令諸天入悟失財却獲如是
一切所欲所求之事誦此真言王發勇猛心
如摩里支菩薩一切能作無不成就

復有降伏成就法於無人寂靜之處用白檀
或鬻摩夷塗曼拏羅安摩里支燈於其燈前

用無憂樹華燕脂赤檀牛黃畫彼人形及書
真言并彼人名安在心中自作觀想想彼裸

形深紅色垂髮以左手捏彼身如作禮相驚
怖惶悚作是想已誦真言稱彼人名三日內
彼即降伏兼生敬愛

復有成就法用河兩岸土及冤家足下土同合作彼人形如前所說藥物等於屍衣上或樺皮上書彼人名及真言置彼心中用無憂樹木作橛長八指釘彼形心誦真言稱彼名三日之內設是聖人須見降伏何況凡夫之類

復有成就法用黃蠟作彼人形以黃丹莊畫如前所說藥物等於樺皮書彼人名及真言置彼心中亦用無憂樹木釘彼形心復用法祢囉木火炙彼形亦得降伏若用芥子塗彼

身三日之內設是天女亦可降之豈況人間女人耶

復有成就法用燒屍灰白蟻運出者土瓦輪上土彼人足下土同作彼人形用赤檀牛黃於樺皮上書真言及彼名置彼心中以法祢

囉木火炙之於菩薩懺前一日三時持誦七

十四

十五

日之內設是國王亦自降伏何況常人

復有降伏夜叉女法就鬼宿直吉日於屍多林中以尼俱陀樹木作夜叉女形長一肘作少年相身貌端嚴具諸色相微屈右足左手

攀尼俱陀樹枝用如前所說藥書其名并真言就寂靜無人處於夜分中以白檀塗曼拏羅上安摩里支燈即散花然燈燒安息香稱夜叉女名及誦真言於第一日得夜叉女來現其祥瑞至第七日即得夜叉女持誦者當須默然至六箇月得法成就或母或妹等而欲施願時誦人曰與我爲妻夜叉女從已爲妻即將誦人歸本住處誦人得延壽一劫隨心自在若有障礙不得爲妻亦得大財主得廣大富貴於來生中得生夜叉界

復有成就法令彼國王愛敬用尼俱陀樹根作彼王形分明端嚴然用牛黃燕脂供俱摩書彼王名及真言安在心中作觀想以索鉤牽拽如是想已即誦其言令彼國王盡心敬愛承事供養

復有成就法就鬼宿直吉日用無憂樹木作形長一肘量復就鬼宿直日晝摩里支菩薩三面各三眼頂戴寶塔及無憂樹花鬘金環璣珞寶帶腕釧指環種種莊嚴身作紫金色光如萬日著紅衣赤天衣左手執索無憂樹

枝線右手執金剛杵箭針鉤正面有大光明
眼相清淨圓滿適悅脣如摩尼珊瑚亦如曼
度迦花及你摩果左面醜惡顰眉出舌作瞋
怒相如大青寶色人見怕怖右面作豬相如
蓮花寶色頂戴寶塔內安舍利光如日月乘
豬車立如舞蹈相於其車下有風輪輪上有
賀字變成羅睺大曜如蝕日月若懺畫畢志
心童女隨力獻五供養若阿闍梨依此懺
法一日對日作夜分對月作其觀想復將此
善懺於壇場中安置於彼懺前以白檀

或嚧摩夷作曼拏羅誦真言散花獻瓔珞幡
蓋華鬘然燈燒安息香及種種飲食供養或
用闍伽鉢或螺盃或金銀銅鐵等器供養次
結毗盧大印安自身上誦本真言請召摩里
支菩薩真言曰

唵引摩里支唵引噯引曳引合引噯

請召已作觀想如觀懺像而無有異時即獻
五種供養真言曰

唵引摩里支唵引祢引縛多引曳引阿怛囉
合引散你引多引彌引婆嚩阿努囉訖多引合

彌引婆嚩酥觀引瑟也引合彌引婆嚩酥布

引瑟也引合彌引婆嚩薩里縛引瑟引左彌

引鉢囉合野蹉

獻供養已用白檀塗華鬘嚴飾闕伽瓶以手
捧擎誦真言八百徧獻闕伽瓶如菩薩與自

灌頂即作是言願我於今速成真言法發勇

猛心如摩里支菩薩復作觀想誦真言一洛

叉得見祥瑞或幢像震動或燈燄增明或聞

妙香或見熾火或見青煙或見光燄如不見

祥瑞復誦真言一倍至三倍必有祥瑞乃至

一俱胝必見成就得菩薩現本相施彼所願

令得所求成就或是聖劍眼藥華屢牛黃隱

身丸藥聖藥神通等皆得殊勝最上若聖劍

得成就者手執聖劍即得一切持明天主與

諸天女長受娛樂此名聖劍成就若眼藥得

成就者以藥點眼所有一切世間天人阿脩

羅等以眼視之彼等有情皆大歡喜深生敬

愛此名眼藥成就若華屢得成就者著此華

屢經一日中行一千由旬復還本處此名華

屢成就若牛黃得成就者以此牛黃點於額

上令身能變種種形相衆人見之皆生敬愛
此名牛黃成就若丸藥得成就者以藥含口
中令自身如大藥又變現形相能行大地此
名丸藥成就若聖藥得成就者所有一切物
以藥點之皆成黃金亦能成就金剛之體此
名聖藥成就而聖藥之力亦能得長壽神通
天身除一切病苦變種種身相如摩里支菩
薩神通無異如是之法一一須於摩里支菩
薩懺像之前持誦作觀想結志堅心方獲成
就此等成就之法皆是毗盧遮那佛說

復有成就法亦令國王生其敬愛用赤檀牛
黃供俱摩於摩里支菩薩懺像足下書彼王
名持誦者自著緋衣獻赤色花燒安息香供
養菩薩即作觀想手持鉤索牽彼人來令彼
禮拜心懷驚怕如是想已以真言王大力於

金四

十八

三日之內自來供養

復有成就法持誦者於菩薩懺像前出自身
血和合牛黃供俱摩書彼人名復書摩字圍
繞於摩字外復書四箇悉怛哩字三合字圍繞
悉怛哩是三合字梵字是一箇於此四箇字
今四箇字即十二箇華字也

外復書制字圍繞燒安息香誦真言八百徧
作觀想彼人在風輪上坐以手持於鉤索牽
彼而來作觀想已彼人雖在一千由旬外亦
來降伏

復有成就法用一男一女死屍同燒為灰取
此灰及熟迦界他果子為鉢薩惹羅娑香水
馬汗佛舍利少許就鬼宿直日同合為丸觀
想此藥如在日月火中對摩里支菩薩前誦
真言加持舍藥口中即得藥叉神力能變身
相行世間中

復有成就法用黑猫兒身上垢汗及眼內黑
睛老烏眼黑豬左耳血佛舍利少許於鬼宿
直日同合為丸亦觀想此藥如在日月火中
對摩里支菩薩前誦真言加持舍在口中能
得欲天快樂

或四

十九

復有成就法用黑土梟眼老烏眼獾狐眼黑
俱計羅烏眼佛舍利少許取嚙日哩木內汁
就鬼宿直日同合為丸亦觀想此藥如在日
月火中對摩里支菩薩前誦真言加持即舍
口中而得隱身人不能見不能擒捉不能禁

制不能劫盜火不能燒冤家不得其便若志
心持認真言加持此藥得隱身最妙

復有成就法能令童男童女入悟了知過去
未來之事或童男或童女年十二歲者身貌
端正眼相端直就無人寂靜之處洗浴潔淨
身著白衣以白檀塗身花鬘嚴飾及令燒香
阿闍梨以嚩摩夷塗髮摩拏羅安彼童男童女
壇中誦真言八百徧而作加持誦真言已復
作觀想法想彼童男等心中有一月輪輪中
有一捨字深紅色如火作此觀想已發勇猛

心如摩里支菩薩手執鈴杵燒安息香經一
刹那間即得入悟自然通一切之事本真言
曰

唵引摩里支引阿引吠舍野阿引吠舍野

度曩度曩劒波劒波引波野劒波引波

野鉢怛覽訖誡里訖怛曩訖誡里訖怛曩訖

吽摩里支引娑縛引合賀

復有成就法降伏惡龍若國土大旱必有惡
龍制伏雲雨侵損苗稼今此經中有最上真
言三摩地名曰大雨若人持誦即得大雨滋

益一切苗稼及草木等皆令增長真言曰

唵引摩引里支引尾布羅鉢囉合縛里曩引

詣引曩引誡賀里合迺燄引里帝引合入縛

二羅入縛合羅薩里縛合曩引誡引賀里合

迺野枳隸枳隸曩引誡俱羅尾持鏝合娑你

薩里縛合努瑟吒合曩引誡賀里合迺野引

你那賀那賀薩里縛合努瑟吒合曩誡婆縛

曩鉢左鉢左鉢引左野鉢左野薩里縛合努

瑟吒合曩引誡引阿引訖囉合摩阿訖囉合

摩薩里縛合三母捺囉合娑引誡囉尾摩

引尾訖囉合摩摩賀引曩引誡帝惹縛里娑
縛合賀

此真言名普光閃電龍心陀羅尼若至心持
誦必降甘雨復有陀羅尼名曰正道若能持
誦亦降甘雨真言曰

怛你也合他引唵引摩引里支引左吒左吒
尾左吒尾左吒林擺合他林擺合他舍縛里
唧致娑縛合賀

誦此真言用白芥子一百八箇於龍池內而
作護摩即得大雨

復有成就法用薩惹囉娑香藥及蜜誦前真
言二十一徧燒香以獻龍王次作曼拏羅周
迴畫龍開四門每門安七食鉢置種種飲食
及諸花果一一供養復安四闕伽瓶四出生
鉢四香爐燒安息香然八盞燈阿闍梨於曼
拏羅東門作護摩法用白芥子鹽同合和以
迦羅尾羅柴火作護摩八百徧南閭浮提一
切龍神皆發善心降於甘雨
復有成就法用白芥子油蜜迦羅尾羅花龍
花合和為丸誦真言八百徧藥一千九送入

龍池一切龍神皆生歡喜即時降雨若不降
雨彼一切龍速得頭痛受大苦惱不久破壞
復有成就法取灰三五升用醋和泥作丸一
千誦真言六十徧送入龍池之內一切諸龍
皆大驚怕即時降雨普滋草木如不降雨身
速生病及壞眼目
復有成就法用蓮花優鉢羅花雌黃銅鉢白
芥子鉢羅闍火粃糖水合和為丸如棗核子
大誦真言八十徧加持如天旱時送藥七丸
入龍池之內即降甘雨經七晝夜而不暫歇

如不降雨一切龍池其水涸竭令彼諸龍心生熱惱或就龍池邊用藥一九安竹竿上或安幢上以青線繫縛復書真言亦安其上即降大雨晝夜不住若欲雨止即去其藥復有成就法誦此真言

唵_引摩_引里支_引酥沒囉_合帝_引縛日囉_合 凍尼彌隸彌隸娑縛_引合賀

誦此真言以泥作龍身長八指具有九頭以朱砂莊畫於龍項之上繫其綵幡即作曼拏羅四方之位散花焚香獻白食供養以石榴

枝拂拭龍身二十一徧次誦真言一千八徧已稱彼龍名復誦真言以石榴枝拂拭龍身其龍不樂本宮而來降伏若不速降雨令得命終

復有成就法用白芥子誦真言一千八徧加

_{五十四}

_{廿二}

持芥子擲繫龍身亦一千八徧其龍自然舉頭而行復以石榴枝繫彼龍身龍即方住口出二舌至其夜分龍現本形及一切龍悉皆降伏時持誦者一切所欲之事龍即隨順不敢有違

復有成就法亦令龍王降雨用乳及白芥子
逐日加持真言一百八徧即周迴散白芥子
其真言曰

怛你也訖他引唵引摩引里支引左吒左吒
尾左吒尾左吒林拏訖他林拏訖他舍縛里

唧致娑縛訖賀

如阿闍梨依前法持誦供養若閻浮提內一
切龍神不為養育衆生降其甘雨即別誦三
昧正道陀羅尼一七徧復用白芥子一百八
誦前陀羅尼呪彼龍池即作護摩時一切龍

宮眷屬皆得熱惱餓骨零落陀羅尼曰

曩謨舍引吉也訖母曩曳引怛他引誡哆引

野怛你也訖他部祭引部祭引恒恒縛訖部

祭鉢囉訖縛囉部祭引三滿哆引迦引囉部

祭引靚囉娑縛訖合賀三摩野散祖引那你

引娑縛訖合賀曩誡囉散祖引那你引娑縛

引合賀

若天旱至極久不降雨用阿迦木白芥子
酥酪迦羅尾羅花誦前真言作護摩一千八
徧或就龍池或就井邊作法皆得一切龍神

必降大雨息除災害

佛說大摩里支菩薩經卷第三

音釋

紐

女九切
結也

輦

毗賓切
輿也

拽

羊列切
拖也

虺

許傑切
虺也

屐

所備切
革履也

永樂北藏

大摩里支菩薩經

第六七冊

永樂北藏

大摩里支菩薩經

第六七冊